

15  
ARREST DONNE  
PAR LE ROY ESTANT  
en son Conteil de Guerre,

*Contre les Gouverneurs de la Ca-  
pelle & du Catelet.*



A PARIS;  
Par A. ESTIENE, P. METTAYER, C. PREVOST  
& P. ROCOLET. Impr. ordinaires du Roy.

---

M. DC. XXXVI.  
*Avec Privilege de sa Maesté.*

20

CASE

39

326

1636 fr

THE NEWBERRY  
LIBRARY



# ARREST DONNE' PAR

le Roy estant en son Conseil de guerre,  
contre les Gouverneurs de la Capelle  
& du Catelet.



LE Roy estant en son Conseil de guerre, a déclaré & declare lesdits du Bec Gouverneur de la Capelle & de S. Leger Gouverneur du Catelet, vrais Cōtumax, attains & conuaincus du crime de leze-Majesté, pour auoir par lascheté & perfidie remisés mains des ennemis, les places de la Capelle & du Catelet. Pour reparation a condamné & cōdamne lesdits du Bec & de S. Leger, estre tirez à quatre chevaux en la place de Greue, & demembrez en quatre pieces. Ce fait, les quatre membres pendus & attachez à quatre potences qui seront plantées sur le chemin de Picardie hors les portes de ceste Ville: leurs testes fichées au bout d'une pique au dessus de la porte saint Denys:

si pris & apprehendez peuuent estre en  
 leurs personnes, sinon, en effigie. Et dau-  
 tant que lesdits du Bec & de saint Le-  
 ger au lieu de venir rendre raison à sa  
 Majesté, des places qu'elle leur auoit cō-  
 fiées, se sentans coupables d'vne si enor-  
 me lascheté, se sont absentez à la justice  
 du Roy: Sa Majesté ordonne, que ceux  
 qui luy apporteront les testes desdits du  
 Bec & de S. Leger, seront recompensez  
 pour chacune desdites testes de la som-  
 me de soixante mille liures. A sa Maieité  
 dégradé & dégrade de noblesse lesdits du  
 Bec & de S. Leger, ensemble leur poste-  
 rité. Ordonné que comme ignobles &  
 roturiers, leurs descendans seront impo-  
 sez aux roolles des Tailles par les Col-  
 lecteurs des paroisses où ils seront de-  
 meurās: Enjoint à ses Officiers d'y tenir  
 la main. Et seront les armes desdits du Bec  
 & de S. Leger brisées & rompuës par les  
 mains de l'executeur de la haute Iustice:  
 leurs maisons principales abbayes, rasées  
 & démolies: les bois de haute fustaye dé-  
 pēdās d'icelles coupez à hauteur d'hōme.  
 Et pour memoire perpetuelle de la las-  
 cheté par eux cōmise, il sera mis en la prin-



cipale maison de chacun d'eux, vn pillier  
 éminent de pierre de taille avec vne ta-  
 ble de cuivre, en laquelle sera gravé le  
 present Arrest. Et en outre, Sa Majesté  
 a déclaré & declare tous & chacuns les  
 biens desdits du Bec & de S. Leger acquis  
 & confisque à sa Majesté, qu'elle appli-  
 que dès à present à la Commanderie de  
 S. Loüis. cōstruite pour les soldats estro-  
 piez. A fait & fait sa Majesté inhibitions  
 & defenses à toutes personnes de quel-  
 que qualité & condition qu'ils soient, sur  
 peine d'infamie & d'estre declarez crimi-  
 nels de leze Majesté, de faire aucune pro-  
 position de la réuocation de ladite con-  
 fiscation ou application d'icelle. Declare  
 en outre Sadite Majesté tous ceux qui as-  
 sisteront lesdits du Bec & de S. Leger, ou  
 les auront assisté depuis la perfide lasche-  
 té par eux commise, pour leur faire éuiter  
 la peine de leur crime, criminels de leze  
 Majesté: Ordonne que comme tels, il se-  
 ra procedé contr'eux, & leur procez fait  
 & parfait. Executé en effigie en place de  
 Greue, le Lundy dix huittième d'Aoust  
 mil six cens trente-six, & leurs armes bri-  
 zées.





